

Conseur, Si ie vous viens importuner d'une chose  
qui est estoignée de vostre profession, ie vous prie  
de vous en prendre a vostre courtoisie qui m'en  
donne la hardiesse. Je suis infiniment obligé  
au Coronel Wahl Commandant en Ostfrise  
de la part de l'Empereur, tant au regard de ce  
que par son credit j'ay obtenu du Duc de Silly  
exemption de passages et logements des trou-  
pes Imperialis pour mes terres en Allema-  
gne, que d'autres honestetés que j'en reçoys iour-  
nellement. Il est tresgrand amateur de la chasse  
et faulconnerie, et m'a prié de luy faire avoir  
un faulcon de cette sorte qui en Allemagne  
on appelle *Christartzal*. Quelque peine que ie  
me suis donné par tout pour en avoir, c'a esté  
en vain. C'est pourquoy ie vous viens prier de  
vous informer par les Faulconniers de Son Ex<sup>te</sup>  
si eux ne m'en scauroyent fournir un delad<sup>te</sup>

sorte, qui leur sera sans doute cogneu. il fait son ayre  
en Denemark et Norweghe. Soit il oysele ou point  
ie ne m'en soucieroy gueres, pourveu qu'il y ayt moyen  
de le faconner. Je le leur feray payer à tel prix que  
ce soit, ce que ie remets pourtant en peu a vostre dis-  
cretion. Sil ne s'en trouve point que dans la voliere  
de Monseigneur le Prince d'Orange, ie vous supplie  
de vous employer afin que de bonne grace je le puis-  
se avoir, sous cette condition pourtant que j'y en feray  
mettre un autre à mes despens, mais que les Sagers en  
aillent querir en Denemark, comme ilz font tous les ans.  
Voilà, Monsieur, dont je vous prie d'accroistre les obli-  
gations que ie vous ay. Il court un bruit icy que leurs  
L<sup>es</sup> ne se sont pas trouvées trop bien à leurs retours, obli-  
ger moy de m'en faire scavoir des nouvelles, et de  
me tenir


Monsieur,

Vostre tresaffectionné a vous rendre service

De Groeninghe ce  $\frac{10}{20}$   
Jbre 1630.

Casimir Comte  
de Nassau

*[Faint handwritten text visible on the right edge of the page]*





Monsieur

Monsieur Huighens (P<sup>r</sup> Sieur  
de Tuilecom, Secrétaire et Cons<sup>l</sup>  
de Son Ex<sup>te</sup>.

29. 96. 1670.